


齐家治国平天下语录系列



李世民君臣

治国语录



海南国际新闻出版中心

前 言

李世民(599—649)，唐代皇帝。他是我国历史上具有雄才大略的封建君主之一，在位23年，年号“贞观”，由于这期间政局稳定，生产发展，人民安居乐业，故史家赞之为“贞观之治”，李世民也因此被称为中国封建社会里最有政绩的皇帝之一。为了给广大读者了解李世民及“贞观之治”提供便利，我们选编了这本语录。

该语录主要选自《唐太宗集》和《贞观政要》，书中集中展现李世民君臣在如何治国安邦方面的智慧和主张，其中许多观点都具有超越历史阶段的价值，诸如在政治上主张任贤纳谏、励精图治，精简行政机构，提高

工作效率；在经济上鼓励发展农业，减轻赋税；在军事上主张“属兵于农”，巩固国防；在文化事业上主张兼收并蓄；在民族问题上主张平等相待；在个人生活上，主张节俭，反对奢侈等，都具有强烈的现实意义。我们在选编上亦力图做到古为今用。

编 者

目 录

前言

- | | | |
|---|------------|-----|
| 一 | 君臣之道 | 1 |
| 二 | 知人善任 | 33 |
| 三 | 广开言路 | 57 |
| 四 | 仁义忠信 | 85 |
| 五 | 礼乐刑法 | 91 |
| 六 | 崇俭去奢 | 108 |
| 七 | 慎己察人 | 126 |
| 八 | 治国安边 | 148 |
| 九 | 尊师教子 | 169 |

一 君臣之道

为君之道，必须先存百姓，若损百姓奉其身，犹割股以啖腹，腹饱而身毙。若安天下，必须先正其身。未有身正而影曲，上理而下乱者。朕每思伤其身者不在外物，皆由嗜欲以成其祸。若耽嗜滋味，玩悦声色，所欲既多，所损亦大。既妨政事，又扰生人。且复出一非理之言，万姓为之解体，怨讟既作，离叛亦兴。朕每思此，不敢纵逸。

——李世民

古者圣哲之主，皆近取诸身，故能远体诸物。昔楚聘詹何，问其治国

之要。詹何对以修身之术。楚王又问理国何如？詹何曰：“未闻身理而国乱者。”

——魏微

君之所以明者，兼听也；其所以暗者，偏信也。《诗》曰：“先人有言，询于刍蕘”，昔尧、舜之世，辟四门，明四目，达四聪。是以圣无不照，故共、鲧之徒，不能塞也；靖言庸违，不能惑也。秦二世则隐藏其身，捐隔疏贱而偏信赵高，及天下溃叛，不得闻也。梁武帝偏信朱异，而侯景举兵向阙，竟不得知也。隋炀帝偏信虞世基，而诸贼攻城剽邑，亦不得知也。故人君兼听纳下，则贵臣不得壅蔽，而下情必得上通也。

——魏微

天地草昧，群雄竞起，攻破乃降，战胜乃克。由此言之，草创为难。

——房玄龄

帝王之起，必承衰乱，覆彼昏狡，百姓乐推，四海归命；天授人与，乃不为难。然既得之后，志趣骄逸。百姓欲静而徭役不休，百姓凋残而侈务不息；国之衰弊，恒由此起。以斯而言，守文则难。

——魏徵

玄龄昔从我定天下，备尝艰苦，出万死而遇一生，所以见草创之难也，魏徵与我安天下，虑生骄逸之端，必践危亡之地，所以见守文之难也。今草创之难，既已往矣，守文之难，当思与公等慎之。

——李世民

臣观自古受图膺运，继体守文，控御英杰，南面临下，皆欲配厚德于天地，齐高明于日月；本枝百世，传祚无穷。然而克终者鲜，败亡相继，其故何哉？所以求之，失其道也。殷鉴

不远，可得而言。

——魏徵

昔在有隋，统一环宇，甲兵强盛，三十余年，风行万里，威动殊俗，一旦举而弃之，尽为他人之有。彼炀帝岂恶天下之治安，不欲社稷之长久，故行桀虐，以就灭亡哉？恃其富强，不虞后患。驱天下以从欲，罄万物以自奉，采域中之子女，求远方之奇异。宫苑是饰，台榭是崇，徭役无时，干戈不戢。外示严重，内多险忌。谄邪者必受其福，忠正者莫保其生。上下相蒙，君臣道隔，民不堪命，率土分崩。是以四海之尊，殒于匹夫之手，子孙殄绝，为天下笑，可不痛哉！

——魏徵

圣哲乘机，拯其危溺。八柱倾而复正，四维弛而更张。远肃迓安，不逾于期月；胜残去杀，无待于百年，今宫观台榭，尽居之矣；奇珍异物，尽

收之矣；姬姜淑媛，尽侍于侧矣。四海九州，尽为臣妾矣。若能鉴彼之所以失，念我之所以得，日慎一日，虽休勿休。焚鹿台之宝衣，毁阿房之广殿，惧危亡于峻宇，思安处于卑宫，则神化潜通，无为而治，德之上也。

——魏徵

若成功不毁，即仍其旧，除其不急，损之又损。杂茅茨于桂栋，参玉砌以土阶，悦以使人，不竭其力。常念居之者逸，作之者劳，亿兆悦以子来，群生仰而遂性，德之次也。

——魏徵

若惟圣罔念，不慎厥终，忘締构之艰难，谓天命之可恃，忽采椽之恭俭，追雕墙之靡丽，因其基以广之，增其旧以饰之。触类而长，不知止足，人不见德，而劳役是闻，斯为下矣。譬之负薪救火，扬汤止沸，以暴易暴，与乱同道，莫可测也，后嗣何观！夫事

无可观，则人怨神怒。人怨神怒，则灾害必生，灾害既生，则祸乱必作，祸乱既作，而能以身名全者鲜矣。顺天格命之后，将隆七百之祚，貽厥孙谋，传之万叶。难得易失，可不念哉！

——魏徵

臣闻求木之长者，必固其根本；欲流之远者，必浚其泉源；思国之安者，必积其德义。源不深而望流之远，根不固而求木之长，德不厚而思国之理，臣虽下愚，知其不可，而况于明哲乎？人君当神器之重，居域中之大，将崇极天之峻，永保无疆之休，不念居安思危，戒奢以俭，德不处其厚，情不胜其欲，斯亦伐根以求木茂，塞源而欲流长也。

——魏徵

凡百元首，承天景命，莫不殷忧而道著，功成而德衰。有善始者实繁，能克终者盖寡。岂取之易守之难乎？

昔取之而有余，今守之而不足，何也？夫在殷忧，必竭诚以待下；既得志，则纵情以傲物。竭诚则胡越为一体，傲物则骨肉为行路。虽董之以严刑，振之以威怒，终苟免而不怀仁，貌恭而不心服。怨不在大，可畏惟人；载舟覆舟，所宜深慎；奔车朽索，其可忽乎？

——魏徵

君人者，诚能见可欲则思知足以自戒，将有作则思知止以安人，念高危则思谦冲而自牧，惧满盈则思江海下百川，乐盘游则思三驱以为度，忧懈怠则思慎始而敬终，虑壅蔽则思虚心以纳下，想谗邪则思正身以黜恶，恩所加则思无因喜以谬赏，罚所及则思无以怒而滥刑。总此十思，弘兹九德，简能而任之，择善而从之，则智者尽其谋，勇者竭其力，仁者播其惠，信者效其忠。文武争驰，君臣无事，可以尽豫游之乐，可以养松、乔之寿，鸣

琴垂拱，不言而化。何必劳神苦思，代下司职，役聪明之耳目，亏无为之大道哉！

——魏徵

省频抗表，诚极忠款，言穷切至，披览忘倦，每达宵分。非公体国情深，启沃义重，岂能示以良图，匡其不及？朕闻晋武帝平吴已后，务在骄奢，不复留心治政。何曾退朝谓其子劭曰：“吾每见主上不论经国远图，但说平生常语，此非贻厥子孙者也，尔身犹可以免。”指诸孙曰：“此等必遇乱死。”及孙绥，果为淫刑所戮。前史美之，以为明于先见。朕意不然，谓曾之不忠，其罪大矣。

——李世民

夫为人臣，当进思尽忠，退思补过；将顺其美，匡救其恶，所以共为治也。曾位极台司，名器崇重，当直词正谏，论道佐时。今乃退有后言，进

无廷诤，以为明智，不亦谬乎？颠而不扶，安用彼相？公之所陈也，朕闻过矣。当置之几案，事等韦、弦。必望收彼桑榆，期之岁暮，不使康哉良哉，独盛于往日，若鱼若水，遂爽于当今。迟复嘉谋，犹而无隐。朕将虚襟静志，敬仁德音。

——李世民

观自古帝王，在于忧危之间，则任贤受谏。及至安乐，必怀宽怠，言事者惟令兢惧，日陵月替，以至危亡。圣人所以居安思危，正为此也。安而能惧，岂不为难？

——魏徵

君臣本同治乱，共安危，若主纳忠谏，臣进直言，斯故君臣合契，古来所重。若君自贤，臣不匡正，欲不危亡，不可得也。君失其国，臣亦不能独全其家。至如隋炀帝暴虐，臣下钳口，卒令不闻其过，遂至灭亡，虞

世基等寻亦诛死。前事不远，朕与卿等可得不慎？无为后所嗤。

——李世民

臣往在隋朝，曾闻有盗发，炀帝令于士澄捕逐。但有疑似，苦加拷掠，枉承贼者二千余人，并令同日斩决。大理丞张元济怪之，试寻其状，乃有六七人，盗发之日，先禁他所，被放才出，亦遭推勘，不胜苦痛，自诬行盗。元济因此更事究寻，二千入内惟九人逗留不明。官人有谳识者，就九人内四人非贼。有司以炀帝已令斩决，遂不执奏，并杀之。

——魏徵

非是炀帝无道，臣下亦不尽心，须相匡谏，不避诛戮，岂得惟行谄佞，苟求悦誉。君臣如此，何能不败？朕赖公等共相辅佐，遂令囹圄空虚，愿公等善始克终，恒如今日。

——李世民

朕闻周、秦初得大卜，具事不异。然周则唯善是务，积功累德，所以能保七百之基。秦乃恣其奢淫，好行刑罚，不过二世而灭。岂非为善者福祚延长，为恶者降年不永？朕又闻桀、纣，帝王也，以匹夫比之，则以为辱；颜、闵，匹夫也，以帝王比之，则以为荣。此亦帝王深耻也。朕每将此事以为鉴戒，常恐不逮，为人所笑。

——李世民

臣闻鲁哀公谓孔子曰：“有人好忘者，移宅乃忘其妻。”孔子曰：“又有好忘甚于此者，丘见桀、纣之君，乃忘其身。”愿陛下每以此为虑，免后人笑。

——魏徵

高昌若不失臣礼，岂至灭亡？朕平此一国，甚怀危惧，惟当戒骄逸以自防，纳忠谏以自正。黜邪佞，用贤

良，不以小人之言而议君子。以此慎守，庶几于获安也。

——李世民

臣观古来帝王拨乱创业，必自戒慎，采刍蕘之议，从忠谏之言。天下既安，则恣情肆欲，甘乐谄谀，恶闻正议。张子房，汉王计画之臣，及高祖为天子，将废嫡立庶，子房曰：“今日之事，非口舌所能也。”终不敢复有开说。况陛下功德之盛，以汉祖方之，彼不足准。即位十有五年，圣德光被，今又平殄高昌，屡以安危系意，方欲纳用忠良，开直言之路，天下幸甚。昔齐桓公与管仲、鲍叔牙、宁戚四人饮，桓公谓叔牙曰：“盍起为寡人寿乎？”叔牙奉觞而起曰：“愿公无忘出在莒时，使管仲无忘束缚于鲁时，使宁戚无忘饭牛车下时。”桓公避席而谢曰：“寡人与二大夫能无忘夫子之言，则社稷不危矣！”

——魏徵

臣闻君为元首，臣作股肱，齐契同心，合而成体。体或不备，未有成人。然则首虽尊极，必资手足以成体，君虽明哲，必藉股肱以致理。故《礼》云：“人以君为心，君以人为体，心庄则体舒，心肃则容敬。”《书》云：“元首明哉，股肱良哉，庶事康哉！”“元首丛脞哉，股肱堕哉，万事堕哉！”然则委弃股肱，独任胸臆，具体成理，非所闻也。

——魏徵

夫君臣相遇，自古为难。以石投水，千载一合，以水投石，无时不有。其能开至公之道，申天下之用，内尽心膂，外竭股肱，和若盐梅，固同金石者，非惟高位厚秩，在于礼之而已。昔周文王游于凤凰之墟，袜系解，顾左右莫可使者，乃自结之。岂周文之朝尽为俊乂，圣明之代独无君子哉？但知与不知，礼与不礼耳！是以伊尹，